



Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.I.], 1658

Lit. P. Literae Beuningii ad Ordines, in quibus gloriatur se Suecos inter & Danos ineundum foedus impedivisse.

urn:nbn:de:hbz:466:1-10534

Illud ipsum, quod in hac materia ad Vos huc usque perscripti, super ejusmodi informatione fundatum est, ut firmiter eidem insisti possit, & per totam hanc septimam, quantum quidem percipio, nihil amplius circa illud negotium contigit. Exinde nunquam non confido, S. Præpot. Celsitud. me certo affirmare posse, Regnum hoc nullatenus consensurum, utin dictum fœdus aliquid influat, quod S. Præpot. Celsit. detrimentum & offendiculum afferre ac præbere valeat, neque prius mehinc prefecturum, quam S. Præpot. Celsitud. in hoc negotio penitus securas reddere queam. Id quod vel hac vice possem præstare, si certus forem, Succos non extrema coactionis media adhibituros, quibus Danos ad puncti istius, de exclusione navium peregrinarum bellicarum è mari Balthico, observantiam adigere velent.

Lit. P.

Excerpta ex literis Beuningi id. 5. 15. ad Graphiatum Ordinum.

Dominem mi,

Post proximas meas literas die 8. hujus mensis ad Te missas heri à Tabellario ordinario S. Præpot. Celsitud. literas, & decretum de prima die currentis mensis recte accepi, quibus mihi injungitur, operam meam haec tenus adhibitam continuare, ut præcaverem, ne in heic quæsito fœdere inter Regna Sueciæ & Daniæ aliquid noxiū statui S. Præpot. Celsit. admitteretur. Ego sane nullatenus desistam, S. Præpot. Celsit mandatis submissione debita me conformem exhibere, neque ut ego quidem confido, sine successu egregio heic occupabor, cum primarii Regni hujus Ministri sancte mihi pollicearunt, nihil istorum à sua parte committendum, & quod Dominis Legatis Suedicis, qui hac hebdomade tentaverant punctum istum de exclusione peregrinarum navium bellicarum è mari Balthico articulis suis circa pacis executionem constitutis includere, à Commissariis hujus Regni id rotunde fuerit denegatum, cum reiterata & expressa declaracione, se hac in re in nihil aliud consentire posse, quam quod in Tractatu Pacis comprehensum esset.

Lit. P.

Literæ Beuningii ad Ordines, in quibus gloriatur se Succos inter & Danos incundum fœdus impeditiss.

Celsi ac Præpotentes Domini,

Domini mei, Duo circiter præteriere menses, ex quo tempore Vestrīs Præpot. Celsitud. prævia humillima petitione mea, consentire placuit, ut post diuturniorem

norem absentiam, qua ultra biennium, & quod excurrit, patria mea careo, integrum mihi sit in eadem reverti, & Commissionem in hac Aula, qua V. Præpot. Celsitud. me dignari libuit, in Earum manus deponere, & quod propterea navis quædam bellica è classe patria ad mei transfretationem huc mittenda sit: una cum iterato jussu, ut priusquam ex his locis abeam, exactissime erudirer circa tunc temporis heic institutos Tractatus de fœdere inter Regna isthæc borealia ineundo; & siquidem intelligerem, ad finem illud perductum & sub articulis quibusdam in Vestri Status & commerciorum detrimentum ac præjudicium conclusum iri, tamdiu discessum meum differrem, quamdiu bona quædam officia ad obtinendum V. Præpot. Celsitud. præfixum Scopum, contribuere valerem. Interea temporis V. Præpot. Celsitud. ex meis successive transmissis literis & narrationibus perceperunt, non solum prædictum Tractatum fœderis omnino abruptum & dissipatum, sed & punctum istum de excludendis omnibus peregrinis navibus bellicis è mari Balthico, quem Domini Legati Suedici prium quidem sepissime allegato fœde-ri, postmodum vero recessui Pacis executivo interere conati sunt, post multas tædiosas disceptationes ita tandem temperatum, ut in ultimo Suedico concepto quantum ad hoc, intuitu Status V. Præpot. Celsitud. & aliorum extra mare Balthicum sitorum inhæreatur verbis Tractatus pacis, & consequenter omne illud obtentum esse, nisi mutationes quædam præter spem acciderint,) quicquid officiis meis, ut par est, in observantiam mandatorum V. Præpot. Celsitud. effici potuit, præser-tim cum alii articuli sub manibus nunquam fuerint, qui prævio V. Præpot. Celsitud. jussu graves aut molesti mihi accidissent. Ita ut salvo V. Præpot. Celsitud. judicio, firmiter confidam, me heic officio meo satisfecisse, remque isthane probe peregisse, quò tandem benigna illa dimissione V. Præpot. Celsitud. frui, Earumque negotia in Aula hac in manus Domini Residentis le Maire tradere queam, modo diu desiderata navis bellica ad me trajiciendum heic in promptu foret. Sed quia eadem heic expestat, &, ut inaudio, sine V. Præp. Celsitud. admonitione ad Dominos Admiralitatis directa, huc non mittetur, iterum ad V. Præpot. Celsitud. configere cogor, adhibita petitione humillima, velint interventu clementium mandatorum suorum operam dare, ne prædicta navis bellica, siquidem vela ventis nondum de-dit, ulterius detineatur. Quibus Præpot. V. Celsitud. &c. Haffniæ die 20. Julij Anno 1658.

Lit. Q.

S. R. M. Sveciæ Legatorum Proj- etum alterum Fœderis articulos comprehendens, exhibi- bitum Commissariis Danicis Haffniæ

24. April. 1658.

1. Sit